



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

52. De vita Christi sub quodam compendio ad nouos contemplatiuos.

[urn:nbn:de:hbz:466:1-50980](#)

CVm veniret plenitudo temporis, vt prædi-
cta figuræ adimplerentur, & dignaretur
Deus adimplere desiderium sanctorū Patrum;
missus est Gabriel Archangelus ad Virginem, vt
ei Dominicā Incarnationem annunciat. Con-
templare hīc, & exulta sanctorum Patrum im-
pleta desideria, & diuina oracula. Animo reuol-
ue reuerentiam per Angelum Virgini incom-
parabili exhibitam, & stuperisce quantum potes
Dei humiliationem. Attende Mariæ exultatio-
nem. Aduerte eius humilitatem, aliasq; virtutes.
In corde ruminare eiusdem lætitiam, exultatio-
nem, & iucundam deuotionem. Neq; obliuioni
tradendum est ministerium, per eam cognata
suæ Elisabethæ impensum.

DE VITA D O M I N I S V B Q V O D A M
*compendio ad exercitium nouiter contempla-
ri incipientium.*

CAPVT LII.

ET ut sub quodam compendio totam vitam
Domini recollectam tecum deportare va-
leas, considera quomodo Deus factus parvulus
vagit, & lachrymatur in præsepio. Attende eius
paupertatem: Intuere eius humilitatem, & de-
scensum Angelorum, & vigilias pastorum. Con-
spice vtrorumq; ad inuicem mutua colloquia:
Mariæ & Ioseph vehementem stuporem. Inspice
Dominam nostram genuflexam, præ magnitu-
dine lætitiae quem peperit adorantem, & in cor-
de

de suo iubilantem. Aspice attentissime tam speciosissimi infantis vultum & elegantiam, atque eius interiorem magnitudinem & sapientiam: quem reuerenter adorabis, & præsepe deosculaberis.

Celebratam octavo die eius circumcisionem, & nominis Iesu impositionem, & vide quomodo immunis ab omni peccato non designatur accipere antidotum peccati, vt tu in te superfluas & inordinatas circumcidas concupiscentias. Vocatur Iesus, vt per hoc intelligas eum suorum non alienorum esse Saluatorem. Console infantis: quia tam tenerrimus vulneratur, & pro te suum incipit fundere sanguinem: & quod extrinsecus plorans intrinsecus miserabili homini compatitur.

Stellam tam fulgentem, Magos ad puerum Iesum deducentem, & eorum magnam fidem & deuotionem: & sequere eos, & deuotissime offer æterno infanti quicquid habes scilicet animam & corpus.

In quanta vilitate & penuria eum Magi inuenierunt: non enim voluit amator paupertatis, neque ad illorum Regum aduentum aliquem temporalem apparatum ostendere. Et quomodo parvulus Rex ab Oriente deduxerit eos ducatu stellæ, à quibus tanquam verus Deus adoratur? Attende hic tria de Christo nato testimonnia, scilicet Stellæ, Magorum, & Iudæorum: qui perhibent testimonium de Christo, & de loco nativitatis eius.

Quomodo post nativitatis eius quadragesimum diem, mater eius offert eum in templo

Deo Patri: & redimit eum tanquam primogenitum offerens pauperem oblationem. Vide nihilominus illam processionem , in qua tantæ tamqe cœlestes personæ conueniunt, scilicet virgo Maria cum puerò suo Deo nostro , & suo Iesu: Anna prophetissa : Symeon & Ioseph : & tota deuotione fatage occurrere illis. Et nota eorum colloquia, magnamqe deuotionem.

CONTEMPLARE Christi & suæ matris humilitatem , qui cùm non essent legi subditi, legem obseruare voluerunt.

Quomodo Christus adhuc infantulus Herodem fugiens vadit in exilium. Attende eius patientiam , & disce pati: sequere peregrinantes, & attende eorum mutua colloquia , & disce ab eis pauperem & humilem esse.

Quomodo à duodecimo vñqe ad tricesimum ætatis suæ annum, rex gloriæ latet in plebe: quippe neque prædicabat , neque miracula faciebat, sed tam longum tenens silentium , multum docuit tacens , & nihil faciens multum operatus est, tamdiu enim tacens docuit te , ne sis facilis ad docendum : sed prius disce tacere & humiliari.

Quomodo tricesimo ætatis suæ anno per Ioannem baptizatur. Vnde quām reuerenter se habet Ioannes ad eum non audens eum tangere : & mirare & imitare stupendam Dei nostri humilitatem se à Ioanne sicut quilibet alius plebeus permittentis baptizari , & quomodo omnem iustitiam , hoc est perfectam impleuerit obedientiam. Aduerte quomodo h̄c visibiliter tota beatissima Trinitas manifestata fuit; Pater in

in voce, filius in carne, Spiritus sanctus in columbae specie: & quod Pater mittit filium ad praedicandum dicens: Ipsum audite.

Quomodo post hec abiit in desertum, ubi ieiunauit quadraginta diebus & quadraginta noctibus & tentabatur a Sathanam. Cogita Christi in eremo conuersationem: quid ibi fecit, de deuota eius oratione, & contemplatione. Nota ibi eius humilitatem: quia fuit cum bestiis secundum Marcum. Cogita stupendam Christi patientiam: a dæmone portatur & sustinet. Quam sapienter resistit Sathanam: & tibi exemplum dedit resistendi. Mirare eius dignitatem: quia Angeli ministrabant ei.

CONTEMPLARE quomodo de monte descendens, elegit in discipulos quosdam pescatores & abiectos homines: & per eosdem prædicationis gladio cœpit totum mundum debellare.

Nota eius vitam communem cum Apostolis: eius dulcem conuersationem. Considera eorum secretum colloquium in domo, & in via: & quomodo ipse est inter eos sicut qui ministrat, cum eis comedit in una mensa & catino, non habet priuilegium inter eos.

Quomodo ex tunc deinceps visus est super terram & cum hominibus conuersatus. siquidem inter homines ambulans, & ubique verbum Dei seminans multa miracula, quæ nisi a Deo fieri non potuerunt, fecit: cæcis visum, surdis auditum restituit, dæmones fugavit, leprosos mundauit: breuiter omnes sanauit; & tot miracula fecit, ut vix valeant scribi. Rogantibus peccata indulxit. Vbique prædicabat: parabolæ my-

m 3 sticas

sticas proponebat: in quarum vna pastorem se dixit, ad ouem perditam reducendam aduenisse.

Quomodo s^æpe Christum sequebatur multitudo copiosa: aliquando quatuor millia, interdum quinque millia, & eo amplius etiam usque ad Eremum. Sequere & tu, & esto prope Iesum, ut eius verba audias, faciem Christi, & Apostolorum cernas: & colloquia & miracula videas.

Quomodo volens se hostiam offerre, propter quod venerat, ut se verum agnum paschalem ostenderet: quinta die ante pascha allatum a discipulis asellum cœli terræq^z Domin^o ascendit: magnoq^z triumpho, laudumq^z præconiis, pueris Hebræorum clamantibus, Osanna in excelsis, Hierusalem sanctam ingreditur.

Nota Christi Regis stupendam humilitatem in eo scilicet quod sedet super asinam Apostolorum vestimentis stratam. Vbi est eius familia & Regius apparatus? Intuere Iesum, qui cum appropinquaret Hierusalem fleuit super illam; magis autem dolore compassionis tactus misericorditer fleuit super animam peccatricem.

Descripsimus ecce breuiter, & sub compendio vitam Domini, ut facilius eam memoria valeas retinere, siquidem circa nihil aliud poteris

utilius & salubrius tuam mentem occupare: &

ideo omni die aliquid de vita & passione

Christi in aliqua hora ad hoc de-

putata debes mente ru-

minare.

CON-